




4. desember 2003

## Innflutningur í nóvember og vöruskiptajöfnuður

Áætlaður innflutningur í nóvember sem byggður er á upplýsingum um innheimtu virðisaukaskatts nam rúmum 16 milljörðum króna án skipa og flugvéla. Þetta er 7% meiri innflutningur en í sama mánuði í fyrra, borið saman á föstu verði, sem styður vísbendingu októbermánaðar um að aðeins sé að draga úr vaxtahraða yfirstandandi árs. Innflutningur fjárfestingavara virðist enn nokkuð mikill. Samkvæmt þessum bráðabirgðatölum má ætla að innflutningur til nóvemberloka verði rúmlega 11% meiri en á sama tímabili í fyrra, reiknað á föstu verði og án skipa og flugvéla.

Vöruskiptin við útlönd janúar-október voru óhagstæð um 14,3 milljarða króna en á sama tíma í fyrra voru þau hagstæð um 12,9 milljarða króna, 12,2 milljarða miðað við gengi ársins 2003. Ef reynt er að áætla inn- og útlutning þá sem eftir lifir ársins má gera ráð fyrir að halli á vöruskiptum á árinu öllu geti orðið á bilinu 13-15 milljarðar króna. Er þá gert ráð fyrir að innflutningur á árinu verði um 198 milljarðar króna sem er nokkru meira en gert var ráð fyrir í októberspá ráðuneytisins og útlutningur verði á bilinu 183-185 milljarðar króna. Í síðustu spá ráðuneytisins var hins vegar gert ráð fyrir að vöruskiptajöfnuður yrði í jafnvægi.

### Innflutningur án skipa og flugvéla—staðvirk



### Horfur um afkomu sjávarútvegs 2003 og 2004

Í síðustu skýrslu ráðuneytisins um [þjóðarþúskapinn](#) sem kom út í október síðastliðinn var m.a. fjallað um rekstrarafkomu sjávarútvegs fram til ársins 2004. Þær tölur hafa verið endurskoðaðar með hliðsjón af nýrri samantekt Hagstofu Íslands um hag fiskveiða og -vinnslu fyrir árið 2002. Samkvæmt þessum tölum var hreinn hagnaður sjávarútvegs um 10% af tekjum greinarinnar árið 2002 í stað 11% samkvæmt áætlun ráðuneytisins í október. Á sama ári var arðsemi eigin fjár greinarinnar um 20%.

Í kjölfar einstaklega góðrar rekstrarafkomu í sjávarútvegi árin 2001 og 2002 bendir flest til þess að afkoman verði heldur lakari á árinu 2003, aðallega vegna hækkunar á gengi íslensku krónunnar, lækkunar fiskverðs erlendis, hærra olíuverðs og minni afla. Reikna má með að afkoma greinarinnar batni á næsta ári vegna aukinna aflheimilda og lækkandi olíuverðs á heimsmarkaði.

Eins og fram kemur í meðfylgjandi töflu er reiknað með að hagnaður fyrir afskriftir og fjármagnsliði (EBITDA) í sjávarútvegi árið 2003 verði tæplega 17% af tekjum og hreinn hagnaður fyrir skatta verði tæplega 2% af tekjum. Þrátt fyrir jákvæðu afkomu greinarinnar í heild ber að undirstrika að einstakar greinar og deildir innan fyrirtækja í sjávarútvegi standa nokkuð höllum fæti um þessar mundir en þar er helst að nefna rækju- og hörpuðiskvinnslu.

### Afkoma sjávarútvegs

Ma.kr.	2002	Áætlun 2003	Áætlun 2004
Rekstrartekjur*)	125,3	111,7	120,8
Rekstrargjöld*)	98,1	95,0	99,8
Vergur hagnaður	27,2	16,7	20,9
% af tekjum	21,7	14,9	17,3
Árgreiðsla (6%)	14,4	14,7	15,1
Hreinn hagnaður fyrir skatta	12,8	2,0	5,9
% af tekjum	10,2	1,8	4,9

\*) Tekjur og gjöld í sjávarútvegi alls hafa verið lækkuð sem nemur fjárhæð millivíðskipta með hráefni.

Á árinu 2004 er gert ráð fyrir að afkoman á mælikvarða hreins hagnaðar fyrir skatta verði um 5% af tekjum sem er um helmingi minni hagnaður en á árinu 2002.

Í þessum framreikningum er í meginatriðum stuðst við sömu forsendur um magn- og verðbreytingar og liggja að baki síðustu þjóðhagsspá fjármálaráðuneytisins með örfáum undantekningum. Í því samhengi ber helst að nefna heldur lægra fiskverð erlendis en áður var reiknað með. Einnig hefur verð á fiski til vinnslu innanlands verið endurskoðað og gert er ráð fyrir að það lækki um 7½% að meðaltali milli áruna 2002 og 2003.

### Helstu forsendur framreikninga

	Breyting frá fyrra ári, %	
	2003	2004
Magn	-2	6
Afurðaverð erlendis	-2½	1
Fiskverð innanlands	-7½	0
Útlutningsgengi sjávarafurða	-6¼	1
Laun	5½	4½
Olíuverð erlendis	20	-13¼
Innlent verðlag	2	2½

### Hert eftirlit með vöruflutningum til og frá ESB

Með vísan til hryðjuverkaógnarinnar í kjölfar 11. september hefur framkvæmdastjórn ESB lagt til að skylt verði að tilkynna um allar vörusendingar til og frá bandalaginu með 24. klst. fyrirvara. Tilgangurinn er að bæta áhættugreiningu vegna eftirlits með hættulegum vörusendingum. Gert er ráð fyrir nokkrum undantekningum svo sem þegar flutningstími er skemmri en 24 klst., vegna smásendinga og sendinga á vegum viðurkenndra aðila svo og farangurs ferðamanna. Þeir sem ekki færu að settum reglum gætu átt von á verulegum tölum við tollafgreiðslu. Stefnt er að því að reglurnar takið gildi í janúar 2005, með tveggja ára aðlögunartíma til þess að unnt verði að ljúka við tæknilega útfærslu.

Breyttar reglur hefðu áhrif á vöruflutninga á milli Íslands og ESB þar sem tillögum mæla fyrir um það að tilkynna skuli um vörusendingar til og frá tollabandalagi ESB sem nær eins og kunnugt er ekki til EFTA/EES-landanna, þ.m.t. Íslands. Verið er að skoða það á vegum íslenskra stjórnvalda, í samvinnu við EFTA og framkvæmdastjórn ESB, hvernig best sé að haga þessum málum varðandi EFTA ríkin, þ.e. Ísland, Liechtenstein, Noreg og Sviss. Sjá nánar í fréttatilkynningu [\(IP/03/1100\)](#) og tillögum framkvæmdastjórnar ESB [\(COM\(2003\) 452\)](#).

Tekjur ríkissjóðs jan-október			Gjöld ríkissjóðs jan-október			Greiddsluafkoma ríkissjóðs jan-október			Ýmsar hagtölur		
	2001-2002	2002-2003		2001-2002	2002-2003	M.kr.	2002	2003		2002	2003
12 mánaða breytingar, %			12 mánaða breytingar, %			Handbært fé frá rekstri	-14.397	-19.162	Verðbólga - nóvember	2,4	2,5
Skatttekjur alls	3,3	6,3	Almenn mál	18,0	2,2	Hr. lánsfjárfjöfnuður	-7.345	1.476	Kjarnaverðb.1 - nóvember	3,2	3,1
Tekjuskattar	2,1	2,5	Félagsmál	12,4	12,7	Afborgun lána	-28.558	-30.654	Launavísitala - október	5,9	5,5
Tryggingagjöld	7,6	11,2	Atvinnumál	3,7	10,1	Br. lánsfjárfjöfnuður	-43.403	-35.428	Heildarvelta janúar-ágúst	7,0	-0,2
Eignarskattar	0,4	-15,9	Vaxtagjöld	6,7	-24,0	Lántökur	43.465	27.439	Smá.velta janúar-ágúst	6,6	2,3
Veltuskattar	3,4	9,8	Önnur útgjöld	3,2	15,6	Greiddsluafkoma	61	-7.989	Atvinnuleysi - okt. 2003	2,5	2,8
Tekjur alls	5,2	10,8	Gjöld alls	10,6	8,2						